

Թէոդորոս Պատրիարք Երուսաղէմի, յայտ առնելով զտառապանս իւր և զվտանգ Աթոռոյն և սեփհական ժառանգութեանց ազգին յերեսաց ատելութեան Յունաց, Ապախնդրեցին ձեռնառու և օգնական լինիլ Նուիրակացն Երուսաղէմի Հայրապետական կոնդակաւ յորդորելով զբարեպաշտ ժողովուրդն: Եհաս անդ և Ստեփաննոս վարդապետ Նուիրակն Կարնոյ, և պատմեաց նմա զամենայն հանգամանս Աթոռոյն: Եւ յետ այնորիկ ձեռնադրեաց զնա յատիճան Եպիսկոպոսութեան յաւուր Ծննդեան Տեսուն մերոյ եւ գրեաց կոնդակ յորդորական բանիւք առ ժողովուրդս Կարնոյ, Կարսայ և Պայէզլիտայ վիճակացն, օգնական լինել առատաձեռն ողորմութեամբ Աթոռոյն Երուսաղէմի 'ի սէր մարդացելոյ Փրկչին՝ յաղատութիւն Տնօրինական Տեղեաց և սեփհական ժառանգութեանց ազգին, և 'ի թեթեւութիւն ծանր պարտուց, ուր յետոյ յաւելուստել « Ստուգութեամբ ասեմ և ոչ ստեմ. զի եթէ ոչ էր Ս. Աթոռս 'ի տարաբաղդ վիճակի՝ որդէս և գիտէք, մեք եւս յօժար էաք ամենայն կարողութեամբ մերով արդիւնամատոյց լինիլ յաղազս այցելութեան Ս. Յակոբայ հրաշալի Աթոռոյն » . (1811. 'ի 20 Յունվարի) :

Գրեաց նաեւ զիր օրհնութեան առ ամենայն աղգն Հայոց, որք բնակեալ էին 'ի սահմանս Օսմանեան պետութեան մանաւանդ 'ի կոստանդինուպօլիս, եւ առաքեաց 'ի ձեռն Գրիգորի Եպիսկոպոսի . և նորա հասեալ 'ի Կարին՝ արգելաւ անդ՝ զի գլխաւորք աղգին գրեցին առ նա չմտանել 'ի թաղաւորական քաղաքն, զի յեկեղեցիս տակաւին ոչ յիշէին զանուն Եփրեմի, այլ նախորդի նորին սակս պատերազմին Օսմանցւոց ընդ Ռուսս :

Իսկ Թէոդորոս Պատրիարք խնդրեաց 'ի դատաւորէն Երուսաղէմի տալ Իլամ վասն այլայլութեան ձեւոյն Սուրբ Յարութեան, այլ նա ոչ կամեցաւ, զի յառաջագոյն գաղտնի 'ի Հայոց և 'ի Լատինաց՝ և գիտութեամբ քանի մի այլազգեաց, որք էին 'ի ստորին կարգէ, տուեալ էր Իլամ Յունաց, թէ շինուածքն ոչ են հակառակ առաջին դրից: Այլ փոխանակ այնր ետ երիս Իլամս ծանր ծախիւք, մին վասն Ս. Յարութեան, զի խափանեցին Յոյնք զվարդս և զարարողութիւնս Հայոց . երկրորդ՝ վասն գերեզմանի սուրբ